

MESA DE CONTRATACIÓN

ASUNTO: CONTRATACIÓN DA PRODUCCIÓN INTEGRAL DE ESPECTÁCULOS DAS FESTAS PATRONAIS DE SAN FROILÁN 2017 ORGANIZADOS POLO CONCELLO DE LUGO. LOTE 1. PRODUCCIÓN ESPECTÁCULOS NA PRAZA HORTA DO SEMINARIO. LOTE 2: PRODUCCIÓN ESPECTÁCULOS NA PRAZA DE SANTA MARÍA. LOTE 3: PRODUCCIÓN ESPECTÁCULOS NO PATIO DO EDIFICIO ADMINISTRATIVO DO CONCELLO. LOTE 4: DOTACIÓN DE CATRO CARPAS E OUTROS. EXP. REF. 33-2017. ACTA DE LECTURA DE INFORME TÉCNICO SOBRE CUMPRIMENTO DE ESIXENCIAS TÉCNICAS.

Sendo as 13:40 horas do día 15 de setembro de 2017, no salón de comisións do Centro de Servizos Municipais (sito na Ronda da Muralla 197), constitúese a Mesa de Contratación, presidida por don Xosé Manuel Cao Rei Xefe do Servizo de contratación, patrimonio e fomento, e actuando como vocais:

- don Manuel Louzao Aldariz como Asesor Xurídico.
- don Marcial Rodríguez Toajas, Interventor Municipal
- dona María García Ferro Vicesecretaria Municipal.
- dona Chelo Rodríguez Bao, Técnico do Servizo de Cultura.
- dona Ana Tabares Martínez, Técnico do servizo de contratación actuando como Secretario da Mesa.

Asisten ao dito acto público don Ignacio Crecente de ALENTISOLUCIONES PARA EVENTOS, don Sergio Álvarez de CEGA CONGRESOS AUDIOVISUALES, don Fernando Martínez Rodríguez de FM Sonido Profesional e don Antonio Reija por NALGURES PRODUCCIÓN S.L.

Procedese por parte do Presidente a dar lectura do informe emitido pola Sección de Cultura sobre cumprimento das esixencias técnicas por parte dos licitadores que presentaron a oferta economicamente máis ventaxosa, tal e como se solicitou pola Mesa en xuntanza do día 30.08.2017, e que textualmente dí:

"INFORME DA SECCIÓN DE CULTURA, TURISMO, XUVENTUDE E PROMOCIÓN DA LINGUA.

ASUNTO: Informe ao Departamento de Contratación relativo á produción integral de espectáculos das festas patronais de San Froilán 2017 organizadas polo Concello de Lugo. Lote 1. Producción de espectáculos na praza Horta do Seminario. Lote 2. Producción de espectáculos na praza de Santa María. Lote 3. Producción de espectáculos no patio do Edificio Administrativo do Concello. Lote 4. Dotación de catro carpas e outros. (Exp. Ref. 33-2017)

Á vista do informe solicitado polo Departamento de Contratación tras a apertura do sobre B (proposta técnica) o día 30 de agosto dos licitadores para as necesidades de produción.

CONTRATACIÓN, PATRIMONIO E FOMENTO

XMCR/atm

Refª: Acta 15.09 lectura informe Cultura

Asunto: acta lectura informe técnico e alegacións

Desde esta Sección infórmase que, unha vez examinados, xunto co **enxeñeiro técnico industrial municipal, D. Efrén Pereira Álvarez** (responsable da vixilancia das prescricións técnicas e contractuais deste prego) os expedientes dos licitadores da produción integral de espectáculos das festas patronais de San Froilán 2017, para determinar a súa adecuación ás características establecidas no prego:

“- **Memoria** xustificativa dos elementos, medios, materiais e equipos que debe subministrar e montar, así como condicións de montaxe.

- **Planos** ou montaxes fotográficas dos elementos máis relevantes (escenarios, torres de iluminación, plataformas, carpas, casetas), en relación coa situación no lugar de instalación.

- **Fichas** técnicas dos elementos das estruturas (escenarios, plataformas, carpas) valos, grupos electróxicos, casetas, equipos de son e iluminación.

- **Homologacións**.

- **Relación** exhaustiva daqueles elementos ou partes do contrato nos que estea prevista **subcontratación** (que en conxunto non debe exceder o 60 % do importe de adxudicación).”

A mesa de contratación reunida o día 30 de agosto de 2017 ás 13.30 horas seguindo o indicado nas bases, tomou como criterio único avaliable automaticamente, a oferta económica contida no SOBRE A, o que deu como resultado:

Lote 1. Horta do Seminario - Cega Congresos Audiovisuales, s.l. - 69.575 €

Lote 2. Santa María - Cega Congresos Audiovisuales, s.l. - 48.581,50 €

Lote 3. Edificio Administrativo do Concello - Solimusic Events, s.l. - 17.091,91 €

Lote 4. Catro carpas e outros - Carpas Carboeira, s.l. - 24.514,60 €

Tras avaliar o mencionado SOBRE B, facemos as seguintes observacións:

Lote 1. Horta do Seminario - **Cega Congresos Audiovisuales, s.l.**

MEMORIA	SI
PLANOS	SI
FICHAS	SI
HOMOLOGACIÓNS	SI
SUBCONTRATACIÓN	SI

OBSERVACIÓN: No tocante ao catering, debe garantir o mínimo indicado polo que botamos en falta a subministración de leite; o resto de alimentos non mencionados nas bases e ofrecidos como cervexa, froitos secos e snaks, se a empresa os subministra serán por conta do adxudicatario. En ningún modo os pode facturar adicionalmente ao Concello.

Lote 2. Santa María - **Cega Congresos Audiovisuales, s.l.**

MEMORIA	SI
PLANOS	SI
FICHAS	SI
HOMOLOGACIÓNS	SI
SUBCONTRATACIÓN	SI

OBSERVACIÓNS: *No tocante ao cátering, debe garantir o mínimo indicado polo que botamos en falta a subministración de leite; o resto de alimentos non mencionados nas bases e ofrecidos como cervexa, froitos secos e snaks, se a empresa os subministra serán por conta do adxudicatario. En ningún modo os pode facturar adicionalmente ao Concello.*

Lote 3. Edificio Administrativo do Concello - Solimusic Events s.l.

MEMORIA	SI
PLANOS	SI
FICHAS	SI, só de xeradores e casetas.
HOMOLOGACIÓNS	NON
SUBCONTRATACIÓN	SI

OBSERVACIÓNS:

- Non presenta ningunha homologación.
- Non fai referencia ao traballo de amplificación fóra do recinto do patio do Edificio Administrativo do Concello, para a Ofrenda a Rosalía.
- Non ofrece rampla para acceder ao escenario e no plano aparecen debuxadas escaleiras de acceso.

Esta proposta, adoece dunha concreción mínima como para valorar a idoneidade da proposta. A pesar de ser o terceiro o lote de menor complexidade có primeiro e segundo, isto non obvia a necesidade de responder aos cinco puntos das bases.

Estimamos que deben continuar valorándose sobres das empresas que concorreron ao lote 3:

Lote 3. Edificio Administrativo do Concello:

- Solimusic events s.l.-----	17.091,91 €
- Asa-son s.l.-----	19.435,40 €
- Alenti soluciones para eventos s.l.u.-----	20.509,50 €
- Cega congresos audiovisuales s.l.-----	21.634,80 €
- Producciones Emsac s.l.-----	21.780 €
- Odaiko Krea s.l.-----	22.927,08 €
- Alfonso Vicente Muñoz Meilán-----	22.941,60 €
- Nalgures Producións s.l.-----	28.919 €

Continúase a valoración por orde da oferta económica:

Lote 3. Patio do Seminario - Asa-son s.l.

MEMORIA	SI
PLANOS	SI
FICHAS	SI
HOMOLOGACIÓNS	SI
SUBCONTRATACIÓN	SI

OBSERVACIÓN: Estimamos que esta proposta, por ter o contido fundamental acorde ao prego, pode valorarse como APTA. É o noso criterio a valoración da enumeración de todos os medios; sobre as calidades dalgúns deles como é o caso dos medios humanos necesarios para o desenvolvemento dos labores obxecto deste lote, a empresa ten o compromiso escrito e asinado de adaptarse ao sinalado no prego. Enumera entre o persoal a técnicos de son e iluminación, persoal de montaxe/desmontaxe e asistencia a concertos. Neste último punto debe incluír a figura de controladora ou controlador de accesos. Sería aconsellable que aumentase esta información.

Da comprobación da oferta presentada por esta empresa enténdese que achega documentación suficiente en todos os puntos.

Lote 4: Dotación de carpas e outros - Carpas Carboeira s.l.

MEMORIA	SI
PLANOS	SI
FICHAS	SI
HOMOLOGACIÓNS	SI
SUBCONTRATACIÓN	SI

Todos os elementos aparecen descritos e acreditados debidamente, segundo se pide nas bases e dentro dos parámetros descritos.

Merece especial mención a carpa da praza de Santa María que contén as dimensións de 17 m. nun treito no que o permite a praza e noutro, por ser irregular, ocupa unicamente 15 m. Todas elas contan con homologacións M-2, regulamentarias; indícase que están preparadas para soportar ventos de 120 km/h (nas bases pedíanse que o fixesen cun mínimo de 100 km/h)."

Intervén don Antonio Reija para alegar , á vista da documentación consultada no Servizo de Contratación, o seguinte:

- Que a documentación de CEGA ten as seguintes deficiencias:

- O plano que presenta para o LOTE 1 non está en relación coa situación do lugar de instalación e que a plataforma de control non cumpre a altura e non ten en conta o desnivel da praza

- O escenario para o LOTE 2 está a 1,20 m e se pedía a 1,70 m.

- Que ASA-SON S.L. achega plano para o LOTE 3 e del dedúcese que incumpre as medidas xa que se esixe menos de 200 m2 e o excede en máis de 400 m2.

O representante de CEGA manifesta que as alturas son regulables e que se adaptan ao desnivel e que sí que hai planos.



Concello de Lugo

CONTRATACIÓN, PATRIMONIO E FOMENTO
XMCR/atm
Refª: Acta 15.09 lectura informe Cultura
Asunto: acta lectura informe técnico e alegacións

Á vista destas manifestacións a Mesa de Contratación **pospón neste momento a decisión sobre selección da oferta economicamente máis ventaxosa á espera do que resulte do informe que se emita por parte dos técnicos responsables do contrato**. Unha vez emitido este informe convocarase nova xuntanza da Mesa de Contratación en acto público para a súa lectura e selección de oferta.

Sen mais que manifestar concíbese co asunto ás 14:30 horas, no lugar sinalado no encabezamento.

O PRESIDENTE,

Asdo.: Xosé Manuel Cao Rei.



A SECRETARIA,

Asdo.: Ana Tabares Martinez.

